

Broj: A-III-48/24-IV
Sarajevo, 28.10.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BIH”, broj 39/14, 59/22 i 50/24) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba: „Nabavka laptopa za potrebe Kantonalnog tužilaštva Kantona Sarajevo“, date u Zapisniku broj: A-III-48/24–III od 25.10.2024. godine, Glavna kantonalna tužiteljica donosi:

ODLUKU

o izboru najpovoljnijeg ponuđača i dodjeli ugovora za nabavku laptopa za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o nabavci roba – laptopa za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“R&S” d.o.o. Sarajevo, Igmanska b.b., 71320 Vogošća**, a prema ponudi broj: 35110/24 od 23.10.2024. godine, s ukupnom cijenom **6.798,00 KM bez PDV-a, odnosno 7.953,66 KM sa PDV-om**, kao jedina prihvatljiva i pravilna ponuda.

II


Ugovor o javnoj nabavci dostavit će se na potpis izabranom ponuđaču **“R&S” d.o.o. Sarajevo** odmah po dostavi dokumenata iz člana 45 ZJN, čime će se ispuniti uslovi za zaključivanje ugovora, s obzirom da je samo jedan ponuđač učestvovao u ovom postupku javne nabavke, a sve u skladu sa članom 98. stav (2) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem jedinom ponuđaču koji je učestvovao u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se jedinom ponuđaču koji je učestvovao u postupku javne nabavke u skladu sa članom 71. stav (2) ZJN.



U skladu sa tačkom 8.4.2. b) tenderske dokumentacije, Komisija je izvršila uvid u ponudu u pogledu zadovoljavanja **tehničkih uslova za predmete nabavke**, zahtijevanih u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka. Detaljnim pregledom ponude je uočeno da je ponuđač **R&S d.o.o. Sarajevo** za nabavka robe – „Nabavka laptopa za potrebe Kantonalnog tužilaštva Kantona Sarajevo“ u Obrascu za cijenu ponude na strani 7. i 8. ponude ponudio laptopa koji imaju „Operativni sistem: Instaliran operativni sistem direktno od strane proizvođača - Windows 11 Pro 64“, međutim u tehničkom listu nije navedeno da ponuđeni laptopi imaju instaliran traženi operativni sistem.


Kako Komisija nije bila sigurna da li ponuđeni laptopi odgovaraju traženim karakteristikama, stoga je odlučila da dana 24.10.2024 godine uputi zahtjev za pojašnjenje ponude putem e-maila, u kojem je zatražila da se pojasni i precizira da li ponuđeni tip laptopa ima instaliran operativni sistem direktno od strane proizvođača - Windows 11 Pro 64, koji je tražen u tehničkoj specifikaciji TD u roku od tri (3) dana od dana upućivanja zahtjeva za pojašnjenjem ponude. Komisija je završila sa radom 24.10.2024. godine u 18:30 sati.

Ponuđač **R&S d.o.o. Sarajevo** je u zakonskom roku dana 25.10.2024. godine dostavio svoje pojašnjenje u kojem navodi da se laptopi proizvode za više različitih tržišta, pa radi varijacija nije navedena licenca Windows 11 Pro 64 u tehničkom listu, ali svakako je u ponuđenim laptopima instalirana originalna licenca Windows 11 Pro 64.

Komisija je nastavila sa radom 25.10.2024. godine u 16:30 sati i na sastanku je prihvatila pojašnjenje ponuđača **“R&S d.o.o. Sarajevo**, te konstatuje da je ponuda ponuđača **“R&S d.o.o. Sarajevo pravilna”** i da je ponuđena roba u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijene ponude nisu izuzetno niske (neprirodno niske).

Polazeći od gore navedenih konstatacija i činjenice da je samo jedna (1) blagovremeno pristigla ponuda prihvatljiva za ugovorni organ, s obzirom da ispunjava uslove iz tenderske dokumentacije Otvorenog postupka, shodno odredbama tačke 10.6.3. tenderske dokumentacije, e-aukcija se ne može zakazati i Komisija je pristupila vrednovanju jedine prihvatljive ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku roba: „**Nabavka laptopa za potrebe Kantonalnog tužilaštva Kantona Sarajevo**“, JRJN: 30213100-6 Laptopi, prema tehničkoj specifikaciji sljedeći:

R.B.	Naziv ponuđača	Vrijednost ponude bez PDV-a
1.	“R&S” d.o.o. Sarajevo; broj ponude: 35110/24	6.798,00 KM



Bosna i Hercegovina
Federacija Bosne i Hercegovine
Kantonavno tužilaštvo
Kantona Sarajevo

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača "R&S" d.o.o. Sarajevo, Igmanska b.b., 71320 Vogošća, s ponudenom cijenom 6.798,00 KM bez PDV-a, odnosno 7.953,66 KM sa PDV-om.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



GLAVNA KANTONALNA TUŽITELJICA

Melika Dugalija

Dostavljeno:

- Ponuđač R&S d.o.o. Sarajevo,
- Komisija,
- U spis.